

A1<sup>r</sup>

---

Das büchlin

Agapeti:

An den Keyfer Ju<sup>z</sup>

ftinianum/ wie sich ein Fürfte hal

ten fol/ Allen Fürften/ Herrn / vñ

regierenden/ Auch sonft allen

menfchen nützlich vnd

fruchtbarlich

zu lefen.

D. M. XXX.

A2<sup>r</sup>

Dem Durchleuchten  
 Hochgebornen Fürften vnd herrn  
 Herrn Ernften Hertzogē zu Brunßwygk/ Vnd dem  
 wolgebornen vnd Edelen Herrn Herrn Calpern  
 Grauen vnd Herrn zu Mansfelt ꝛc.  
 Meinen gnedigen Herrn bit  
 ich gnade vnd friede  
 von Gott.  
 GNedige Herrn/ Es hat  
 etwan Petrus Mofelanus ein büchlin  
 Agapeti eins Diakons zu Conftantino  
 pel an den Keyfer Juftinianum/ vom  
 ampt eines Fürften/ wie fich der hal=  
 ten fol/ aus dem Grekiſchen dem Hoch  
 gebornen Fürften vnd Herrn Hertzog  
 Georgen zu Sachſen ꝛc. lateiniſch ge  
 macht/ vnd wie er ynn feiner vorrhede anzeigt/ Hat er daſ=  
 felbige alfo yns latein gebracht/ das es nicht alleine den  
 höchften Keyfern/ fondern auch mindern Fürften vnd  
 Herrn nützlich ſein müge/ Solchs hab ich yn vnſerer ſpra=  
 che noch mehr genidert/ das es nicht alleine groffen Für=  
 ften/ fondern auch andern die landen vnd leuten vor ſein  
 ſollen/ füglich ſein mag/ welchs ich E. Gnaden vnderthe=  
 niglich zuſtelle/ bittēde/ wöllet diſ kleine wenige (als es iſt)  
 gnediglich annehmen/ vnd hierynne mein arme pflicht ynn  
 gnaden vormercken/ Dadurch ich auch ſo ich E. gnedigs  
 gefallen ſpüren werde/ etwan ein anders der gleichen vn=  
 derthenigs dienſts E. G. meins vormögens zu thun vor=  
 urfacht werde/ Der Almechtige Gott mehre/ ſtercke vnd  
 erhalte E. G. zu ewr gnaden land vnd leuten zukünfftigen  
 feligen regiment/ wolfart/ friede/ vnd ſeines namens ehre/  
 Amen. E. Gnaden vndertheniger.

Nicolaus Krumpach.

A2<sup>v</sup>

Das büchlin Agapeti  
eins Diacons zu Conftantinopel/  
an den Keyfer Iuftinianum/ wie fich ein  
Fürft halten fol.

Die erfte tugent eins Fürften ift Gottfurchtickeit.

WELche vor vnd vber  
andere menfchen yn hohen ehren  
fein/ denen gehört widderumb zu/  
das fie auch Gott den Herrn für-  
derlicher denn andere menfchen  
ehren/ der fie mit folcher höhe be-  
gabet hat/ Das er yhn als nach  
form des hymliſchen reichs die er-  
de zu regieren befohlen hat/ auff das auch andere menſch-  
en beyde Gott fürchten vñ fich gegen yhren nehiften auff-  
richtig halten/ lernen/ Auch die/ welche als wütende hun-  
de fich widder die andern mit vngerechtigkeit auff lehnen/  
durch ftraffe/ gefchweygt vnd bezwungen werden/ das  
denn forderlich gefchicht/ fo fich die Fürften felbs nach den  
gefetzen der billigkeit halten/ als denn herfchen fie auch  
recht vnd wol vber yhre vnterthanen.

Denn der  
Fürft  
tregt das  
ſchwerdt  
zu lob den  
fromen/  
zu ftraffe  
den böfen.

Ein Fürft mus wacker fein.

Wo nicht  
gerechtig  
keit ift/ da  
ift eitel  
reuberey

Zu gleich als ein ſchiffman vleiffig auff fehen haben  
mus/ das er nicht fich vnd die bey yhm fein/ durch vnvleis  
ynn fehrlickeit bringe/ Alfo mus auch eins Fürften gemüt  
ftetes wachen/ das nicht die vngerechtigkeith ynn feiner  
herſchafft vber hand nehme/ vnd beyde yhm vnd feinen  
vnterthanen.

A3<sup>r</sup>

vnterthanen zuerterben gedeye/ vnd also feine herfchafft  
zu boden gehe.

Erkenne dich felbs.

Das ift eben die erfte vnd gar eine Göttliche lere/  
durch welche wir menfchen vormant werden vleis zu ha-  
ben/ vns felbs zuerkennen/ Denn wer fich felbs erkant hat/  
der wird auch Gott ynn fich/ als ynn einem leuchtenden  
bilde erkennen/ Wer aber Gott erkennet/ der wird yhm als  
viel mügelich ift/ gleich. Der wird aber Gotte gleich der  
Gottes werdt ift/ Der ift aber Gottes werdt/ der nichts  
thut das Gotte nicht zimpt/ fondern er vorfeheth ynn fei-  
nem hertzen was Gott eygent/ Das felbig redt er auch  
vnd erfüllet das auch mit den wercken.

Vom Adel des gefchlechts.

Niemand fol fich des Adels feiner voreltern erhe-  
ben/ Die weil wir doch alle von einem leyme gefchaffen  
fein/ wie viel fich gleich eins teils ynn Sammath vnd fey-  
den herfur brechen/ Andere aber mit kranckheit vnd armut  
beladen fein/ Es thut auch darzu nichts/ ein König odder  
bettler fein/ es ift alles von gleicher erden/ vnd nicht fon-  
ders rhumes werd/ des follten wir vns vleiffen mit erbarem  
leben/ guten fitten/ vnd tugenden erbar zu werden.

Ein Fürft fol Gott danckbar fein.

Wiffe das du folt fein als ein bild der gütigkeit/ das  
Gott mit feinen henden gemacht hat/ vnd als viel er dich  
mit gröffern gaben hat wöllen zieren/ So viel mehr hat er  
dich yhm mit pflichten verbunden/ Derhalben fo gilt yhm  
die pflicht der barmhertzigkeit vor die wolthat die er dir  
fo gnediglich vortrawet hat/ Das er auch die pflicht vor

A ij einen

Wen die tu-  
gent Adelt/  
der ift Edel.

Da Adam  
rodt vñ Eua  
span/ wer  
was deñ ein  
Edel man.

Bey Gott  
ift kein anfe-  
hen der per-  
fon/ arm vñ  
reich gilt  
yhm alles  
gleich.

Wem viel  
befolen ift/  
der mus vn  
berechnen.

A3<sup>v</sup>

Von feiner  
fülle haben  
wir empfan  
gen gnade  
für gnade.

einen danck auff nehme/ vnd gnade vor feine gnade gebe/  
denn er kômpt allewege mit feiner gabhafftigkeit zuuor/  
vnd gibt/ als were er vns ſchuldig/ vnd wardt doch wid-  
derumb nichts von vns/ denn alleine danckbarkeit/ Das ift  
das wir nicht alleine gute wort gebē/ fondern folche danck  
barkeit auch mit wercken erzeigen.

Eim guten Fürften gehört das er feiner  
gewalt nicht misbrauche.

Quando li-  
cet quod li-  
bet.

Yhe better  
yhe nützer  
vnd widder-  
umb.

Nichts ift eim Fürften vor Gott vnd dem menſchen  
als löblich/ als wenn er wol thun mag was yhm geliebet/  
das er doch allewege das beſte/ beyde wil vnd thut/ Die  
weil yhm denn das vormögen gegeben ift/ des ein gemey-  
ner man mangelt/ nemlich vielen leuten mögen nütze fein/  
So gehört yhm auch zu/ das ers wölle vnd auch thue/ Da  
mit wird er dem der yhn zu folcher gewalt beruffen  
hat/ Der allen wol thut/ beyde gleich werden vnd wolge-  
fallen.

Das den Yrdifchen güttern nicht  
zuuertrawen fey.

Was auffer  
halb vns ift  
das ift nicht  
vnfer.

Die vnbeftändigen gütter der yrdifchen dinge haben  
ſich gleich als die reyffenden wafferflüß/ denn eine kleine  
zeit flieffen ſie denen zu die ſie beſitzen/ aber als bald wen-  
den ſie ſich widder von yhn/ vnd keren ſich zu andern/ Aber  
allein der ſchatz der wolthat bleibt feinen beſitzern ftets/  
wenn die gnade der guten werck keret ſich zu yhren thet-  
tern.

Ein Fürft mus die leute gerne zu ſich laffen/  
freuntlich hören vnd gütlichen be-  
ſcheyd geben.

Es macht

A4<sup>r</sup>

Es macht wol die höhe deiner yrdifchen gewalt/ das nicht ydermeniglich zu dir komen mag mit dir zu reden/ Du folt aber die öbergewalt der Gottheit hierynne vor augen haben/ vnd denen die deiner hülffe dürffen/ freuntlich entgegen komen/ vnd den armen vndertrücktē/ deine ohren öffnen/ So wird dir Gott feine ohren fo du yhn wirft anrufen/ widderumb öffnen/ Denn wie wir vns gegen vnfern mitknechten erzeigen/ also werdē wir vnfer aller Herren widderumb erfinden.

Die Fürften follen ane lafter fein.

Gleich als man einen fpiegel reine heltet von flecken/ also mus auch eines Fürften gemüth das doch voller sorg fein foll von vntugent/ reine gehalten werden/ auff das er von Göttlicher gnade erleuchtet werde/ gerichte vnd gerechtikeit zu erkennen/ Es ift yhe eben nichts/ dadurch ein Fürft was yhm zuftellet als viel mög erkennen/ als wenn er fein gemüte vor vntugent bewaret/ vnd von funden rein helt.

Eins Fürften yrren fchadet alle feinen vnterthanen.

Ob ynn einem fchiff ein ruderer was vnrechts thut/ das fchadet nicht faft fehr denen die ym fchiff faren/ Weñ aber der öber ferg der das fchiff richtet/ leffig wird/ das kômpt leichtlich allen fchiffenden zu fchaden/ vnd bringt fie ynn ferlickeit. Also ifts auch ynn herfchafften/ ob ein vnterthener was vnrechts thut/ der fchadet nicht als viel den andern als yhm felbs. So aber der Fürft felber feins ampts vbel braucht/ fo fchadet er feinem gantzen lande/ Derhalben fol er mit aller höchstem vleis beyde fein reden vnd thun ynn achte haben/ Anders Gott wird yhn fo viel fchwerlicher ftraffen/ als er vielen leuten mit feinem yrthumb gefchat hat.

ynn den

Die Herrn find vmb der vnterthanen wille/ vnd nicht widderumb.

Mit was mas yhr werdet meffen etc.

Ynn eine boshafftige feele gehet nit die weisheit/ Wonet auch nicht ynn einē leibe der den fundē vnderthan ift.

Darüb hat auch Salomon gebetē.

Wo der Abt würffel auff legt etc.

A4<sup>v</sup>

Ynn den wandelbaren dingen fol der Fürft  
feinen rechtſchaffnen Gotts dienft  
vnuerwandelt halten.

Jacobi .i.  
Ein reiner  
vñ vnbefleck  
ter Gottes  
dienft/ ift  
die waifen  
vnd witwen  
ynn yhrem  
trübfal be-  
fuchen.

Die fumma menſchlicher dinge ift als eine ſcheibe/  
welche ynn einem ewigen wirbel vmblaufft/ eins yt3und  
ynn die höhe/ ſchier widderumb zu boden wirfft/ welche  
vngleicheit/ dannen herkomet/ das der gegenwertigē ding  
keins ynn ſeinem ftande bleibt/ Darumb mus ein ſtarckmü-  
tiger Fürft ynn ſo groffer vnd ſchneller voranderung aller  
dinge/ den rechtſchaffenen Gotsdienft vnuorandert erhal-  
ten.

Ein Fürft fol den liebkofern nicht ftadt geben.

zutüttler  
fein den her-  
ren lieb/ vnd  
ftelen mehr  
denn ander  
dieb.

Der liebköfer rede find nicht weniger betrieglich deñ  
linde/ drum fol ſich ein Fürfte dauor hüten/ als vor diebi-  
ſchen raben/ denn gleich als die raben die leiblichen augen  
ausgraben/ alfo vorblenden dieſe das vrteil des gemüts  
das die fachen nicht recht erkant mügen werden/ ſo ſie das  
loben/ das ſcheltens werd ift/ vnd widderumb das ſchel-  
ten das billich zu loben ift/ alfo das ſie alzeit auff ein teil  
vbertretten ſo ſie das böſe loben/ odder das gute vorach-  
ten.

Ein Fürft fol beftendig fein.

Ein Fürft fol alwege gleich gefynnet fein/ vnd bey  
yhm felbs beftendig/ denn wo er ſich mit den euſſern din-  
gen bald vorwandelt/ ſo ifts ein zeichen das er ynwendig  
nicht wol bey yhm selber ift/ Aber ynn erbarkeit fol er feſte  
fein/ als auch die Chriſtliche tugent beftändigkeit fordert/  
auff das er ſich ym glück durch ehrgeyrickeit nicht auff-  
blaſe/ vnd ynn widderwertigen dingen nicht vor3age/ das  
ftehet denen zu/ die den aller ſicherſten weg einher treten/  
deren feele vnd gemüte von euſſerlichen dingen vnuoran-  
dert bleibt/ Denn wem ein gemüte widderferet das von  
menſchlichen

B1<sup>r</sup>

menſchlichen yrrungen reine iſt/das er die ſchnödigkeit feiner natur/ die flüchtige kurtze dieſes lebens/ vnd auch den ſchmutz vnd vnluſt der an dem fleiſche hanget/ erkennen kan/der ſelbige wird gewis nicht leichtlich an den widderſtoss der hoffart anlauffen/ wie viel er gleich ynn hoher würdigkeit entpor ſchwebet.

Ein Fürſt ſol gütig ſein.

Vnter allen dingen die dem yrdiſchen reich zierlich ſein/ ſo ziert doch nichts einen Fürſten als hoch/ als der ſchmuck der gütigkeit/ denn die reichtümer ſind hinflüſſig vnd vorgehen/ Die glori dieſer welt fehret auch dahin/ Aber der preys der Gottformigen gütigkeit einem gemeynen nutz erzeiget/ erſtreckt ſich ynn vnentliche ewigkeit/ alſo das ſeiner genoffen nymmermehr wird vorgeſen.

Ein Fürſt ſol die armen vleiffig ynn achte haben.

Das deucht mich yhe ein wunderſam ding ſein/ das beyde/ arme vnd reiche menſchen aus gar widderwertigen vrfachen/ gleichē ſchaden nemen/ ſo die reichen vor fullen berſten/ Die armen aber vor hunger vorſchmachten/ Dieſe beſitzen die ende der welt/ yhene habē nicht da ſie yhren fuß hyn mögen ſetzen/ Auff das yhn aber beydē geholffen werde/ mag man den einen abziehen/ vnd den andern zu legen/ auff das ſie von ſolcher vngleicheit zu einer vergleichung komen mögen.

Der anfangk Fürſtlicher weiſheit iſt

Gottes furcht.

Denne iſt die felige vnd güldene zeit/ von welcher die alten zuuor gefagt haben/ das ſie komen würde/ ſo gelarte leute regierten/ odder die Fürſten ſelbs zur lahre vleis hetten/ Denn man hat auch vor iaren die weißen zu Königen gemacht/ Derhalben ſich die welche land vnd leute re-

B gieren

Dis gehöret  
zu ſein ſelbs  
erkenntnis.

Abziehen/  
doch das er  
niemand ge-  
walt thue.

zulegen/  
durch hülffe  
radt/ frey-  
heit/ linder-  
ung 7c.

B1<sup>v</sup>

gieren von der weisheit nicht abfundern follen/ So nûr  
weisheit lernen/ weiffe macht/ vnd die furcht Gottes ym  
hertzen haben ein anfang der weisheit ift/ So ift es leicht-  
lich zuuornemen/ das es war fey was ich gefagt hab/ Es  
fey gûldene zeit/ wo Fürften regieren die Gottes furcht fte-  
tes ym hertzen haben.

Der ift ein Fürft der feiner lûfte mechtig ift.

Der ift nicht  
vnüberwint  
lich/ der teg-  
lich von fei-  
nen lûften  
wird vber-  
wunden.

Denne wirdeft du warhafftig ein Fürft genant/ fo du  
deiner begirden mechtig bift/ So du deine lûfte gezemen  
kanft/ vnd bift mit der krone der meffigkeit gezieret/ vnd  
mit dem fcharlach der gerechtigkeit angezogen/ Denn an-  
dere gewalt wie gros die gleich ift/ nympt der tod hinweg/  
Solche herfchafft aber weret ewig/ eufferliche gewalt  
nympt ynn diefer zeyt ein ende/ Dis aber erlôfet den men-  
fchen von der ewigen pein.

Gütigkeit macht einen Fürften allen beheglich.

Gezwungen  
liebe vnd ge-  
riebene rôte  
weret nicht.

Wenn du von allen wilt hoch geachtet werden/ fo  
erzeige dich auch allen fenfftmutig/ Kein ding verbindet  
die menfchen einem Fürften als fehr/ als wenn er den ar-  
men wol thut/ Was man aber von den armen mit forchte  
erzwinget/ das ift eine bloffe eufferliche fchmeicheley vnd  
ertichte liebkoftung/ welche herrn fich darauff vorlaffen/  
dis werden betrogen.

Ein Fürft fol fich gegen feinen vnterthanen  
also halten/ das fie yhn williglich vnd  
mit liebe zu einem Herrn haben.

Ein hirte  
iaget die  
wolffe vnd

Die herfchafft ift billich zu loben/ welche nicht alleine  
den feinden mit gewalt forchtam ift/ fondern auch die mit  
yhrer lindigkeit yhren vnterthanen freuntlich ift/ Denn  
gleich

B2<sup>r</sup>

gleich als sie mit krafft des harnifchs yhrer feinde vberwindet/ so wird sie durch vngeharnifchte liebe yhrer vnderthanen erhalten/ vnd ist alhye gleich auch die vnderscheid des hirten wolffes vnd schaffes.

Ein Fürft ist Gott vnd ein menfch.

Als viel dem leib zugehört/ ist ein Fürft gleich als andere leute/ So du aber auff die vbertrefflichkeit der gewalt achtung haft/ so hat er auch vrgleichung mit dem höchsten Gotte/ derhalben gehört yhm zu/ das er/ nach dem er Gottes bilde ist sich nicht erzürne/ noch yhm felbs zu wolgefalle/ die weil er ein menfch ist/ Denn wie wol er als Gottes gleichnis ynn ehren ist/ So ist er doch gleich als andere aus dem staube der erden geschaffen/ Derhalben er sich erynnern sol ynn andern menfchen auch feinen gleichen zuerkennen.

Von des Fürften Rethen.

Schaffe dir folche Rethe die dir das beste radten/ nicht die dir liebkoften/ vnd fagen was du gerne hõrest/ Die ersten haben auff das achte/ das dir nütze ist/ Die dir aber schmeicheln/ fuchen yhren nutz/ vnd gleich als der schatten sich vrgleicht dem leibe/ also vrgleichen sich diefe den worten vnd wercken yhres fürften.

Wie sich ein Fürfte gegen feinen dienern halten sol.

Gegen deinen dienern halt dich ynn maffen als du wilt einen herrn haben/ Denn mit was lindikeit du andere hõrest/ mit folcher wirdest du auch gehört werden/ Wie du andere anfihest/ also wird dich der alle ding sihet mit feinen augen widderumb ansehen/ Denn also müssen wir Gottes barmhertzigkeit mit der vnfern vns bereiten/ das vns gleich vor gleich/ vnd gut vor gut widderfare.

B ij Ein fürft

weydet die schaffe.

Gleich ynn der natur/ vber sie ynn gewalt.

Pfal. Jch hab gefagt/ Yhr feyt Götter vnd kinder des höchsten alle/ yhr werdet aber gleich als die menfchen sterben etc.

Mit was mas yhr werdet messen etc. Selig sein die barmhertigen etc.

B2<sup>v</sup>

Ein Fürft mus Gotte von feim ampt rech-  
enfchafft geben.

Gleich als gute ſpiegel eben das angeſicht zeigen das yhn  
entgegen iſt / wie es gleich fröhlich odder traurig iſt/ Alſo vñ  
nicht anders wird auch das rechte gerichte Gottes/ ynn  
welchem alle ding als ynn einem ſpiegel erfcheinen vnfern  
wercken begegnen/ denn wie wir gethan haben/ alfo wird  
vns auch widerfahren.

Ein Fürfte bedarff guts radts.

Was du  
thuſt/ thue  
weislich/ ſi-  
he an das  
ende.

Nach dem  
ſchaden/  
kômpt guter  
radt zu ſpat  
te.

Ehe du was anfeheſt/ halt radt/ darnach füre deine  
fache tapffer hinaus/ Denn was ynn zeytlichen fachen one  
radt wird angefangen/ iſt vnbeſtendig/ vnd dazu offtmals  
fehrlich/ Denn wer da betracht/ wie oft vorachtung gu-  
tes radts vielen groffen ſchaden hat bracht/ der wird auch  
wol den groffen nutz zeitigs radts behertzigen/ Es gelchi-  
het aber oft/ weis nicht warumb/ das wir erſt die gefunt-  
heit recht erkennen/ wenn wir die kranckheit vorfucht ha-  
ben. Es mus aber ein weiſer Fürfte ynn feinen fachen fo  
viel vleiffiger radt gebrauchen/ die weil fein thun vnd laſ-  
ſen/ feinem gantzen lande zu gute odder ſchaden kome  
mag.

Ein Fürft ſol nichts/ wie geringe es gleich iſt/  
das yhm zuſtehet vnterwegen laſſen.

Denne wird ein Fürft feiner herſchafft wol fur fein/ ſo  
er vleiffig achtung hat/ das er nichts das yhm zuſtehet  
nachlaſſe/ deñ ob yhn ein ding gegen feinen fachen zu ſcha-  
tzen kleine dünckt/ ſo wirts doch darumb gegen yhme zu  
achten/ nicht vor geringe angeſehen werden/ Ja ein blos  
wort eins Fürften/ hat bey allen ein gros anſehen.

Eim Fürften gehört feine vntherthanen vor  
freuel vnd gewalt zu bewaren.

Du ſolts

B3<sup>r</sup>

Du folts vor gleiche lunde achten/ gewalt thun vnd nicht weren/ denn wie gerecht ein Fürft vor fich felbs lebt/ vnd fihet doch zu das feinen vnterthanen gewalt gefchiet/ fo ift er vor Gott deffelbigen alles fchuldig/ fo du aber des wilt frey fein/ fo thue vleis das ynn deiner herfchafft löbliche thatten belonet werden/ vnd vbelthat billich getroffen/ dauon wirftu zwifach lob vnd preys haben.

Der vorwiliget vñ der die tath thut/ werden gleich getraffet.

Ein Fürft fol nach den gefetzen leben.

Ob ein Fürft niemand hat der yhn möge zwingen/ fo fol er doch auch feiner eygnen gefetzen vnterthan fein/ dar aus folget/ das fie auch die andern fo viel mehr vor augen haben/ vnd ob fie die vorachteten/ er auch fo viel billicher die vbertretter müge ftraffen.

Dem meifter es vbel anftat/ fo er thut was er verbotē hat

Ein Fürft fol fich vor böfer gefellfchafft hüten.

Jch achte das es einem Fürften feer nütze fey alle böfe gefellfchafft zu fliehen/ Denn wer mit böfen ftettigs vmb gehet/ dem fehlet es nicht/ odder er mus arges von yhn leiden/ odder an yhm felbs erger werden/ Wer aber mit guten gemeynfchafft hat/ dem widerferet was guts/ vnd wird auch teglich von yhn durch wort vnd Exempel gebeyert.

Wer pech anrüret/ der verunreint die hende.

Ein Fürft fol fich vleiffen frome Ambtleut zu haben.

Dem von Gott dem allmechtigen ein gros Fürftenthumb zu regieren befolhen wird/ der fol fich gar vleiffig vorfehen/ das er zu ambten vnd groffen gefchefften nicht böfer menfchen gebrauche/ denn was durch die gefundigt vnd vbel gefchiet/ mus er vor Gott antwort vnd rechenschaft gebē/ als der fie gebraucht vnd yhnen gewalt gegeben hat/ drumb gehört einem guten Fürften zu das er

Als der herre ift/ fo fein auch die knechte.

B ij gar vleiffig

B3<sup>v</sup>

gar vleiffig achtung habe/ was er vor leute ynn ambten  
gebrauche.

Eim Fürften gehört zu/ leichte schmehung  
nicht zu achten.

Gleich vnrecht schatz ich das sich ein Fürft feiner  
feinde schmewort gros annehme/ odder feiner freunde lieb  
kofunge frewe/ Denen beyden fol er mit krefften widder=  
fthen/ vnd was yhm wol anftehet ynn keinen weg vnder=  
lassen/ Also das er feiner feinde schmewort vorachte vnd  
feiner schmeichler liebkofer nicht annehme noch belohne.

Welche des Fürften freunde fein.

Ynn nōtten  
werdē freun  
de erkant.

Ein Fürfte fol die nicht vor freunde haben/ die alles  
loben was er vornympt/ Sondern die mit rechtem vrteil  
das loben/ vnd auch thun was recht ift/ die sich mit frew=  
en/ wenn es richtig hynaus gehet/ vnd ynn widderwertig=  
keit getrewlich mitleiden haben/ bey denen alleine findet  
man anzeigungre rechter warer liebe.

Eins Fürften gemūth fol bestendig fein.

Ein Fürft fol nicht gefchehen lassen das fein gros=  
mütig hertz durch schwulft yrdischer gewalt vorandert  
werde/ Sondern dieweil er eine wandelbare vnd vorgeng  
liche herfchafft regiert/ so fol er doch ynn wandelbarn din=  
gen ein vnuorwandelt gemūte behalten/ das er sich des ge=  
lücks nicht erhebe/ sich ym vnglück nicht betrübe/ Gleich  
als das golt/ ob es wol von dem werckmeister von einer  
gestalt ynn die andere gemacht wird/ vnd ynn mancher=  
ley zierheyt vorandert/ so bleibts doch ynn seinem wesen  
ftettig golt ynn feiner natur vnuorwandelt. Also auch  
ein löblicher

B4<sup>r</sup>

ein löblicher Fürft ob er auch von einem ftande ynn einen höhern gefordert wird/ fol er doch ynn wandelbarn dingen ein vnwandelbar gemüte behalten/ das fich nicht eins nagels breit von redlickeit vnd tugent abwenden laffe.

Der Fürft ift felig/ der vber die herfchet die yhm mit willen vnterthan fein.

Ein Fürft ift denne ficher ynn feiner herfchafft/ fo yhm die feinen mit freyem willen vnterthenig fein/ Denn welche volck on feinen danck bezwungen vnterthenig fein mus/ das wird leichtlich zu auffrhr vnd empörung bewegt/ fo es vormeint das ioch von fich zu werffen/ Welche aber freywilliglich yhren Fürften verbunden fein/ bleiben wol getrew vnd beftendigk.

Welchē herren feine vnderthanen nicht mehr lieben denn furchtē/ der hat felten getrawe leute.

Von des Fürften gewiffen.

So ein Fürft feine herfchafft aller ding berümbt vnd löblich machen wil/ fo ift yhm von nöten achtung zu haben/ das er als groffen zorn widder fich felbs ynn feinem hertzen habe/ fo er widder Gott fundigt/ als viel er widder feine vnterthanen hat/ fo fie wider yhn thun/ denn one den ynnern gezeugen feiner gewiffen/ ift fonft niemand der yhn vmb feine funde vor forchte feiner gewalt thure ftraffen.

Ein Fürft fol fanfftmutig fein.

Dem Gott groffe gewalt gibt/ der fol fich auch dem geber folcher gewalt mit alle feinem vormögen vergleichen/ Denn fo ein Fürft des allmechtigen Gottes hülfte auff erden ift/ vnd durch yhn gewalt hat vber andere menschen

Seit barmhertzig als ewer vater der hymlich barmhertzig ift.

B4<sup>v</sup>

fchen fol er ſich allermeiſt beveilffen nichts höher zu ach-  
ten denn fenfftmitigkeit vnd barmhertzigkeit.

Worynne ſich ein Fürſte erlūften fol.

Nicht als viel fol ſich ein Fürſte vleiffigen golt vnd  
edelgeſteine auff einen hauffen zu famlen/ als er yhm fol  
zu famen fameln einen ſchatz der wolthat/ dardurch er ſich  
trōften müge der zukünfftigen feligkeit/ die er ym hymel zu  
hoffen hat/ Denn was vnter dem ſchein der guten ding  
ynn dieſer welt vmb vns iſt/ gehört vns nicht an/ drūmb  
fol es vns auch nicht gros erlūftigen.

Ein Fürft fol gebhafftig fein.

Dis iſt nach  
bloffer vor-  
nunfft ge-  
red/ denn  
der hausua-  
ter ym Euā-  
gelio hat an-  
ders gethan

So deine vnterthanen mit groſſem vleiffe dir zu dan-  
cke gethan haben was yhn gebotten was/ ſolt du yhren  
vleis mit milder gabe vogleichen/ denn dadurch werden  
die guten mit luſt/ dergleichen mehr zu thun gereitzt/ vnd  
die böſen yhrer zagheit raw zu haben geleret/ Es iſt auch  
gar vngleich mit gleichem ſolde zu belonen die nicht glei-  
che erbeit gethan haben.

Ein Fürft fol ein grawen haben vor  
geſchwindigkeit.

Das höchſt vnd aller ehrlichſt ambt iſt ein Reich  
odder Herſchafft/ das iſt gewis war/ aber denne allermeiſt  
wenn der/ der ſein pflegt nicht alle ding nach ſeinem mut-  
willen zu ſich raſpelt/ ſonder vberal die billickeit anſihet/  
Alfo das er ſich vor geſchwindigkeit/ als den wolffen vnd  
beeren alleine zuſtehet/ hüte/ Sanfftmitigkeit aber vnd  
freuntlichkeit gleich als ein Göttlich ding allewege erzeige.

Ein Fürft fol ym gerichte keine gunft anſehen.

Gleich fol

C1<sup>r</sup>

Gleich sol er beyde freunden vnd feinden vrteil spre-  
chen/ vnd ynn dem den freunden nicht zu willen werden/  
odder den feinden vngleicher erfcheinen/ Denn es ift gleich  
vnrecht einen vnrechten recht machen/ drumb das  
er vnfer freund ift/ vnd einen vnschuldigen verdammen/  
Drumb das er vnfer feind ift/ vnd wie wol die ding wid-  
dereinander fein/ fo find fie doch beyd gleich böfe.

Ein Fürft sol vleiffig auffmerckung haben  
ynn erkenntnis Kriegifcher fachen.

Aller höchften vleis müffen die haben/ den kriegifche  
fachen zuentscheiden zugehört/ denn es ift gar eine fchwere  
fache ynn allen kriegem recht vrteil zu finden/ So bleibt die  
warheit den vnfleiffigen leichtlich verborgen/ So einer  
aber nachleßt achtung zu haben auff die verblümbtē wort  
der part/ vnd yhre fcharffe rede nicht anfihet/ fondern left  
fich ynn die tieffe/ die fach ym grunde zuerkennen/ der  
wird leichtlich was die part fuchen finden/ vnd darmit  
zwifachtige funde vormeiden/ das er nicht felbs vnrecht  
thut/ vnd folchs auch andern nicht gefattat.

Gottes güte ift vnüberwintlich.

Wenn gleich deiner tugent als viel weren als ftern  
am hymel fein/ fo mag es doch nicht fein/ das du der güte  
Gottes gleich werdest/ vnd wie viel ein menfch der dinge  
die yhm belcheert feint Gotte aufftreget/ fo ifts doch nicht  
des menfchen/ fondern Gottes/ Vnd gleich als es nicht ge-  
fein kan/ das du ym fonnen fchein deinem eygnen fchatten  
entlauffeft/ fondern er kompt wo du hyngeheft eben als  
fchier als du. Also mügen die fterblichen menfchen mit  
vhren wolthaten nymmermehr erreichen die vnüberwint-  
liche gütickeit Gottes.

C Es ift

Was haft  
du das du  
nicht emp-  
fangen.

C1<sup>v</sup>

Es ift nymmermehr verloren was einer  
guts thut.

Gebt fo  
wird euch  
gegeben.

Das ift auch die natur vnferer wolthat/ das yhr fchatz  
nymmermehr mag ausgefchepfft werden/ wie viel es gleich  
kofftet/ denn wenn wir ausgeben/ fo nemen wir/ ftrawē wir/  
fo famlen wir/ Dis fol ein Fürfte als einen ewigen quell  
der mildigkeit ynn feinem hertzen haben/ gegen allen die  
was von yhm bitten/ denn folche darlegung wird reichlich  
vorgolden werden/ vnd mit groffem gewin dem geber wi-  
der heimkomen.

Ein Fürfte fol milde fein.

Diweil ein Fürfte feine herfchafft nicht aus vordienft/  
fondern aus freyer mildigkeit Gottes empfangen hat/ fo  
fol er fich auch Gotte ynn mildigkeit vogleichen/ vñ vleis  
thun das er gegen allen milde fey/ diweil er der einer ift/  
der es vormag andern wol zuthun/ mehr denn die/ welche  
felber wolthat dūrffen/ denn alfo viel gũlte vnd renthe vñ  
yerlich auff hebens/ bringt ye teglich was dauon er den  
armen hüfflich fein mag.

Ein Fürfte ift ein auge des gemeinen nutzses.

Das ift  
auch eins  
hirtē amt.

Was die auten dem leibe fein/ das ift auch ein guter  
Fürft feinem lande vnd leuten/ vnd gleich als die augen  
dem leibe vorfehen/ alfo fol auch ein Fürfte vor feine land  
vnd leute vorfichtig fein/ vnd gleich als die augen allen  
gliedmaffen des leibes fehen/ vnd wo nicht/ fo mus der  
menfche fallen/ alfo fol der Fürfte auff feine vnterthanen  
fehen das fie ym guten zunemen/ vnd vom vbel nicht fcha-  
den leiden.

Was ein Fürft vor hoff gefind fol haben  
die auff yhn warten.

Die bewarung

C2<sup>r</sup>

Die bewarung deines lebens/ leibs vnd guts ift nicht das du viel reuter vnd kriegsknechte vmb dich habft/ sondern dardurch bift du viel ficherer/ fo du niemands leids vnd fchaden thuft/ denn wer niemande fchadet/ dem ift niemand vordechtig/ fo nu niemands fchaden ficherheit macht/ wieviel mehr wirds das thun/ fo du yderman wol thuft/ dis macht vns alleine ficher vnd allen leuten freuntlich.

Wie fich ein Fürft brechtig halten fol.

Als viel der hōhe deiner gewalt zuftehet/ bis deinen vnterthanen forchtfam/ was aber gehört zur lindigkeit der wolthat/ bis yhn freuntlich/ das du gleich das mittel halteft/ deine Maieftet nicht vorliefeste fo du yhn zu freuntlich bift/ auch nicht yhre liebe vorleureft/ fo du dich gegen yhn zu brechtig helteft/ vnd hab daranff achte/ das fie dich vmb deiner freuntlichkeit willen nicht vorachten/ vnd vmb deiner fcherffe willen nicht haffen.

Ein Fürft fol gut ebenbilde geben.

Was ein Fürft feinen vnterthanen zuhalten gebeut/ fol er zuuor yhnen mit ebenbilden vorthun/ alfo das auch fein eigen leben mit feinen gebieten vberlein kome/ denn der macht allerdinge feine lere krefftig bey yderman/ der felbs thut was er leret vnd heltet was er gebeut.

Es ift feliger geben denn nemen.

Die demütiglich was von dir bitten/ folt du viel freuntlicher annehmen denn die fich dir mit groffem gefchencke behiglich wōllen machen/ denn du muft trachten wie du denen widdergelteft/ Die erften aber machen dir auch Gott felbs zu einem fchüdenner/ Denn was den dūrftigen

Alfo hat auch Jhesus angefangen zu thun vñ zu leren.

Was yhr habt getan den wenigften aus den

C ij ftigen

C2<sup>v</sup>

meinē/ habt  
yhr mir  
felbs gethā.

ftigen gefchicht/nympt er an als wers yhm felbs gefche-  
hen/ drumb wird ers auch mit reichem gewinft vorgeldē.

Ein Fürfte fol barmhertzig fein.

Denn es ift  
auch barm-  
hertzikeit  
bosheit ftra-  
ffen.

Als der Sonnen zugehört die welt mit yhrem fchein  
zuerleuchten/ Also ifts auch eins Fürften größte tugent das  
er sich der armen vnd dürfftigen erbarme/ Ja ein guter  
Fürft vbertrit auch ynn dem die Sonnen/ denn die weicht  
ymer eins vmbs ander der nacht/ Der Fürft aber left den  
böfen keine zeit nach/ fondern durch das liecht der war-  
heit/ fucht er allezeit auch die vorborgene vngerechtigkeit  
zu ftraffen.

Einem Fürften gehört zu feine wirdigkeit  
mit tugenden zu erleuchten.

Wenn die vorigen Fürften daruon löblich fein ge-  
weft/ das fie große herfchafft haben gehabt/ fo fol aber  
ein Chriftlicher Fürft feine herfchafft mit tugenden er-  
leuchten/ das wird er denn thun/ wenn er feine gewalt mit  
linden fitten meffigt/ So er die forchte deren die vor yhn  
wöllen mit freuntligkeit vberwindet/ als denn gefchichts  
das die der barmher tzigkeit dürffen ynn den fchos feiner  
gnaden zuflucht haben/ vnd die also durch feine güte dem  
armut empfolgen fein fagen yhm als denn gros lob vnd  
preys.

Ein Fürft fol die weisheit als gros als die  
gewalt achten.

Als viel ein Fürfte andere menfchen ynn gewalt  
vbertrit/ als viel fol er auch sich vleiffen vor andern men-  
fchen ynn tugenden zu fcheinen/ Denn er fol es yhe dafür  
haben/ das alle menfchen folcher tugent an yhm gewaten  
die feiner

C3<sup>r</sup>

die feiner gewalt gleich fey/ anff das aber fein lob auch vor  
Gotte erfüllet werde/ fol er vleis thun folchs mit wolthat  
gegen dem armen zuerwerben.

Was ein Fürft gebieten fol.

Ehe du gebeutelt was du wilt/ fo hab vleiffig acht  
das du nichts gebeutelt/ denn was zimlich vnd recht ift/  
denn die zunge ift ein fchneller werckzeug/ vnd wirfft offt  
die yeningen ynn groffe fahr/ die yhrer rede nicht wol war  
nemen/ drumb fo du dich tugentfame vornunfft als eine ge  
wiffe regel leiten left/ fo wird dein vornehmen glücklich  
vnd wol hinaus gehen.

Der ift Gott  
ein nahēder  
man/ der  
mit vornun  
fft wol fch  
weigen kan.

Wie ein Fürft fol ernft fein.

Ernft fol ein Fürfte fein allezeit/ denn aber zuuorn  
wo fchwere vbelthat getroffen follen werden/ Diefe be  
fcheidenheit aber ift allewege zu halten/ das er fchwerlich  
vnd langfam fich erzürnen laffe/ denn fo er gar nicht zür  
nete/ brechte yhm eine vorachtung/ als nu einem Fürften  
zugehōret/ etwan doch befcheidenlich zu zürnen/ fo fol ers  
doch nymer nicht one groffe vrfach thun/ darmit den bof  
hafftigen yhr böfe begierd gebrochen/ vnd den vnſchuldi  
gen raum/ das ſie ſich vorantworten mügen gelaffen wer  
de.

Der prophet  
ſagt/ zürnet  
vnd fundigt  
nicht.

Ein Fürft fol vleiffig achtung haben auff  
die fitten feines hoffgefīdes.

Ynwendig ynn deinem hertzen hab gar vleiffig ach  
tung auff die fitten deren die ynn deinem faal dir dienen/  
vnd vmb dich fein/ dardurch du genaw erkennen mügeft/  
welche dir mit rechter liebe vnd trewen dienen/ odder wel

C iij che dir

C3<sup>v</sup>

che dir vmb yhres nutztes willen liebkoften/ denn yhr find  
viel/ die vn̄ter der gefalt groffer trew yhren Herrn vn̄über  
wintliche ſchaden zugefügt haben.

Wie ein Fürft radts gebrauchen fol.

So du etwan einen radt höreft der dir nütze mag fein/  
fo erfülle den auch mit der that/ das du yhn nicht alleine  
mit den ohren gehört habft/ denn kompt eines herrn acht-  
barkeit an tag/ fo er aus yhm felbs was gut vnd recht ift/  
erkennt/ vnd doch der andern radt nicht vorachtet/ fon-  
dern er lernet an alle ſcham vnd furcht/ fein thun hynaus  
one ſchaden.

Barmhertzigkeit ift einem Fürften die  
größte ficherheit.

Gleich als ein Schlos das mit guten ſtarcken mauren  
wol bewart ift/ das auch die darauff find/ yhrer feinde la-  
chen vnd ſpotten mügen/ Alfo ift auch eine tugentfame  
herfchafft/ die mit almofen bewarth ift/ vnd mit rechtem  
glauben zu Gott als mit ſtarcken türnen beſchloffen/ das  
ſie mit keinem gefchos der feind mag vberwunden werdē/  
fondern ſie gefigt allewege/ bleibt ficher vnd vn̄überwun-  
den.

Welcher Fürft feinem volck wol vorſtehet/ der  
geheth gerichtts ynn den hymel.

Ein Fürft fol ſich vleiffigen das er der yrdifchen her-  
ſchafft alfo wol gebrauchte/ das es nu gleich als ein wegk  
fey zu der ewigen glori/ denn wer dem gemeinen nutz ynn  
dieſer welt getrewlich vorſtehet/ der vordient den hymel/  
der aber ſtehet dem ſelbigem recht vor/ der ſich gegen ſeinen  
vnderthanen helt als ein vater/ derhalben erlangen ſie bil-  
lich widderumb von yhnen die ehrerbietung die einem Für-  
ften

Das ift von  
den gleubi-  
gen geredt/  
So haben  
die alten ge-  
ſagt/ das de-  
nen die dem  
gemeinen

C4<sup>r</sup>

ften zugehört/ vnd bewaren mit yhrem drawen/ das sie nicht ynn lafter fallen/ vnd an leib vnd gut keinen schaden nemen.

Von des Fürften kleydung.

Das ist einem Fürften das theuerste vnd aller zarteste kleid/ das er mit wolthat bekleidet ist/ Ja das ist ein kleid das ewig weret/ wenn er vor die armen forget/ welcher nu Gottholdig regieren wil/ der gedencke das er sein gemüth mit solchen kleidungen ziere/ denn wer mit dem scharlach der mildigkeit gegen armen leuten bekleidet ist/ der wird auch mit dem schmuck des hymelreichs gezieret werden.

Wie ein Fürfte Gotte dienen sol.

Welcher eine herfchafft zu regieren von Gotte empfangen hat/ der sol aller dinge achtung haben/ wie er dem der sie yhm vorliehen hat/ widerumb gefallen müge/ vnd dieweil er aus Gottes gnaden vber andere menschen geehret wird/ so istts bequeme/ das er den selbigen mit milden wercken widerumb ehre/ Die ehre gefelt yhm aber am aller besten/ so er seine geschöpff als yhn selbs ynn achte hettet vnd beschützet/ So wird er sich gegen allen mit wolthat/ als ein schuldiger beweisen.

Ein Fürft sol ynn nöthen zu Gott zuflucht haben.

Es sollen wol alle menschen ynn yhren nöthen zu Gotte zuflucht haben/ Zuuorn aber sol es ein Fürfte thun auff dem die forge vor alle seine vnterthanen leith/ So istts einem Fürften leichte mit Gottes hülffe seine feinde zuüberwinden vnd seine vnterthan vor schaden zubewaren.

Ein Fürft sol wol thun/ auch denen die es nicht vordienen.

Gott bedarff

nutze getreulich vor sein eine befundene stadt oben bereit sey.

Merck die werck damit Gott sol geehret werdē

Ja wenn der Herre hüt/ so istts wol bewart

C4<sup>v</sup>

Gott leift feine sonne schenken/ beyde guten vnd böfen.

Gott bedarff niemands/ Ein Fürfte aber fol alleine an Gott hangen/ drumb fol er auch dem nachfolgen der niemands darff/ vnd gegen alle die yhn bitten feine barmhertzigkeit reichlich erzeigē/ Sol sich auch nicht leichtlich abwenden laffen/ ob es die feinen vnwürdig fein/ Zu uorn was zur narung gehört/ fol er niemand ichts vorlaugen/ denn es ist viel beffer das er vmb der würdigen wille auch den vnwürdigen wol thut/ denn das er vmb der vnwürdigen wille auch die würdigē yhres vordienfts beraube.

Ein Fürft fol feinen vnterthanen vorzeihen.

Ein Christlicher Fürft bett auch/ Vergib vns vnser schuld

|| Als oft du Gott vmb vorzeyhung bitteft/ so solt du  
 || auch denen die wider dich gethan haben vorzeyhen/ den  
 || bey Gott wird vorzeyhung vor vorzeyhung gegebē/ du  
 || kanft Gott mit keinem opffer schneller vorfünen vnd dir  
 || begehlich machen/ als wenn du dich mit den deinen vorfüneft.

Vom gerücht vnd gewiffen eines Fürften.

Welcher wil ynn feinem regiment böfe nachfagung vormeiden/ der mus sich vleiffen/ das er niemand kein vrach gebe zu argkwon/ Das er sich auch ynn feinem eygenen gewiffen vor keiner funde schemen dürffe/ so wird er sich auswendig vmbs gerüchts willen/ ynwendig aber vmbs gewiffens willen vor funden hüten/ denn so es den vnterthanen zugehört sich der funde zu schemen/ viel mehr gehört das einem Fürften zu.

Was einem schlechten manne eine tegliche funde ist/ das ist einem Fürften eine todtfunde.

Einem schlechten menfchen ifts ein lafter/ so er thut das peinlicher

D1<sup>r</sup>

das peinlicher ftraffe werd ift/ Aber einem Fürften ifts  
auch eine fchwere funde/ was erbars vñ das feinem volcke  
zutreglich ift nachlassen/ denn er ift nicht darumb als balde  
de from/ fo er nichts böfes thut/ fondern erbarlich thun  
ziert einen Fürften/ derhalben fol er sich vleiffen/ nicht al  
leine böfes zu lassen/ fondern auch gutes zu thun.

Es gehört  
allen zu bö  
fes lassen vñ  
guts thun/  
zuuor aber  
den Fürftē.

Der todt ift allen zugleich gemein.

Der tod furcht sich nichts vor den groffen titeln der  
Fürften/ fondern beyft sie gleich als die armen mit feinen  
fcharffen zeenen/ drumb sollen wir vor feiner vnuormeid  
lichen zukunfft/ vnfern fchatz ynn den hymel schicken/ denn  
keiner wird was er hie yrdifchs gefamelt hat/ mit yhm/ fo  
er fcheyden mus hynwegk nehmen/ fondern er mus es alles  
hinder yhm lassen/ vnd also blos daruon/ dem hymliſchen  
haus vater rechenſchafft zu geben.

Ein Fürft ift Gottes knecht.

Ob wol der Fürft ein Herr ift aller der feinen/ fo ift er  
doch mit yhn allen zugleich ein knecht Gottes/ Aber denn  
wird er billich ein herr genant/ fo er vber sich felbs herſcht/  
vnd dienet nicht den ſchnōden lūften/ Ja fo er die redlickeit  
der tugentſamen vornunfft/ von den wollūften der vihi  
ſchen finnen vnüberwunden behelt/ vnd also die böfen be  
girden/ die doch ſonft gleich als vngezemet fein mit dem  
harniſch der meſſigkeit vberwindet.

Von des Fürften funden.

Gleich als der ſchatten dem leibe/ also folgen auch  
die vorbrachten funde der feele/ denn fo die feele vom leibe  
geſcheiden ift/ fo bringt sie ſcheinbarlich mit vor Gotte/

D was

D1<sup>v</sup>

was yhre werck hye auff erden gewelt fein/ derhalben darff niemand feine miffethat ym Götlichen gericht leukenen/ denn einen ytzlichen feine vorbrachte werck mit ôffenem zeugnis vberwinden/ wol nicht mit worten/ sondern das sie als wie wir sie vorbracht haben gegenwertig erfcheinen.

Ein Fürft fol ftetts vorfichtig fein vnd wachen.

Gleich als ein fchiff das mit gutem winde fehret/ gleich wol offtmals die fchiffenden betreugt/ das sie nicht als fchier komen als sie gemeint hatten/ vnd ob es ftillen wind hat/ oft ehe zu lande kompt/ denn man gedacht hatte/ Also ift auch der fchnelle luft dis gegenwertigen lebens/ der vns offtmals ehr zum ende bringt denn wir gemeint hetten/ Dieweil nu dis also ift/ follen wir vleis thun das wir alle ding die vns ynn diefem leben beheglich fein/ nicht gros achten/ damit wir ficher an die habe des hymilifchen vater landes komen mügen/ da wir ewige wonung haben follen.

Ein Fürft fol nicht hoffertig fein.

Es find etzliche die von der gewalt yhrer herfchafft hoffertig vnd auffgeblafen werden/ vnd fich auff yhre gewalt vorlaffen/ als ein bock auff feine hörner/ es fol aber ein Chriftlicher Fürft der fchnôdigkeit feines fleifches warnehmen/ fo wird fich die gefchwulft feines muts leichtlich fetzen/ denn ob er fchon eine yrdifche herfchafft befitzt/ fol er doch ym fyynn haben/ das er auch gleich als wol als andere vom ftaube der erden feinen anfang hat/ aus dem ftaube ift er hoch ynn die höße komen/ aus der höße mus er widder ernyder vnd zu ftaube werden.

Ein Fürft

D2<sup>r</sup>

---

Ein Fürft fol nymer rwe haben.

Ein Chriftlicher Fürft fol fich alfo halten das er  
nicht gedencke/ er habe es gar ausgericht/ das er nu aller  
forgen frey fey/ fondern er fol thun als die eine treppen hin  
auff fteigen/ die rugen nicht bis das fie zu oberft komen/  
Alfo fol auch ein Fürfte auff dem wege der erbarkeit vnd  
tugent kein ftillftehen haben noch erligen/ bis das er die  
höhe des ewigen reichs erlanget. Das helffe vns der/ der  
beyde Fürften vnd armer leut Fürft/ Herr vnd  
vater ift Jhefus Chriftus vnfer Herr/ der  
da ift gelobt vnd gebenedeyt ynn ewi  
ge ewigkeit/ Amen.

Gedrückt zu Mittemberg  
durch Georgen Rhaw.  
M. D. XXX.